



卷七十一

書名 史記一百三十卷 慶長元和間古活字印本
 撰者 漢 司馬遷 撰，劉宋 裴駟 集解，唐 司馬貞 索隱，唐 張守節 正義
 卷 卷七十一
 內容分類 史-正史-分刻-史記
 索書號 貴重-30
 編號 B1112300

[彩色首頁1](#)
[彩色首頁2](#)

東洋文化研究所漢籍目錄 編號: B1112300
 東洋文化研究所漢籍目錄所藏漢籍善本文影像資料庫 索書號: 貴重-30
 漢籍善本文影像資料庫文本史記一百三十卷 慶長元和間古活字印本
 版權所有: 東京大學 東洋文化研究所
 使用上的注意事項

三皇本紀

補史紀 小司馬氏撰并注

小司馬氏云太史公作史記古今君臣宜應上自開闢下迄當代以為一家之首尾今闕三皇而以五帝為首者正以大戴禮有五帝德篇又帝世皆叙自黃帝已下故因以五帝本紀為首其實三皇已遷載籍罕備然君臣之始教化之先既論古史不合全關近代皇甫謐作帝王代紀徐整作三五歷皆論三皇已來事斯亦近古之一證今並採而集之作三皇本紀

雖復淺近聊補闕云

大皞氏風姓代燧人氏繼天而王母曰

擣里子甘茂列傳第十一 史記七十一

擣里子者名疾秦惠王之弟也索隱曰擣木名也音據高

諺曰其里有擣樹故曰擣里然疾居渭南陰鄉之擣里故號曰擣里子又紀年則謂之褚

里與惠王異毋母韓女也擣里子滑稽多智

索隱曰滑稽音稽音雞鄒誕解云滑稽也稽同也謂辯捷之人言非若是言是若非謂能

龍同異也一云滑稽酒器可轉注吐酒不已以言俳優之人出口成章詞不窮竭如滑稽

之吐酒不已也○正義曰滑稽讀為源水流自出稽訖也言其智計宣吐如泉流出無盡故

揚雄酒賦云鴟夷滑稽腹大如壺是也顏師古云滑稽轉利之稱也滑稽也稽樂也其變

無留也一說稽考也言其滑亂不可考較秦人號曰智囊秦惠王

八年爵擣里子右更索隱曰右更秦第十四爵名使將而

伐曲沃正義曰故城在陝州盡出其人索隱曰年

表云十一年拔魏曲沃歸其人秦本紀惠文王後元八年五國共圍秦使庶長疾與戰修

魚斬首八萬十一年擣里疾攻魏焦降之則焦與曲沃同在十一年按明矣而傳云八年

按之不同王邵按本紀年表及此傳三處記秦伐國並不同又與紀年不合今殆不可參

考取其城地入秦秦惠王二十五年使擣里

子為將伐趙虜趙將軍莊豹拔蘭正義曰蘭縣在石州

史記卷七十一

明年助魏章攻楚敗楚將屈丐取漢中地秦

封樗里子璠為嚴君索隱曰按嚴君是爵邑之號當是封之嚴道也

秦惠王卒太子武王立遂張儀魏章而以樗

里子甘茂為左右丞相秦使甘茂攻韓拔宜

陽使樗里子以車百乘入周周以率迎之意

甚敬楚王怒讓周以其重秦客游騰為周說

楚王曰索隱曰游姓騰名智伯之伐仇猶許慎曰仇猶夷狄之

國○索隱曰高誘注戰國策以仇酋為仇由韓子作仇由地理志臨淮有仇酋縣也○正

義曰括地志云并州孟縣外城俗名原仇山亦名仇猶夷狄之國也韓子云智伯欲伐猶

國道險難不通乃鑄大鍾遺之載以廣車仇猶大悅險塗內之赤草曼支諫曰不可此小

所以事大而今大以遺小卒必隨不可不聽遂內之曼支因斷轂而馳至十九日而仇猶

亡遺之廣車戰國策曰智伯欲伐仇猶遺之大鍾載以廣車周禮曰廣車之

萃鄭玄曰廣車橫陳之車因隨之兵仇猶遂亡何則無備

故也齊桓公伐蔡號曰誅楚其實襲蔡今秦

虎狼之國使樗里子以車百乘入周周以仇

猶蔡觀焉故使長戟居前彊弩在後名曰衛

以

疾正義曰防衛而實囚之且夫周豈能無憂其

社稷哉忍一旦亡國以憂大王楚王乃悅秦

武王卒昭王立樗里子又益尊重昭王元年

樗里子將伐蒲索隱曰紀年云樗里疾圍蒲不克而秦惠王薨事與此合

○正義曰蒲故城在滑州匡城縣北十五里即子路作宰也蒲守恐請胡

衍索隱曰人姓名也胡衍為蒲謂樗里子曰公之攻

蒲為秦乎為魏乎為魏則善矣為秦則不為

賴矣賴利也夫衛之所以為衛者以蒲也正義曰蒲

是衛國今伐蒲入於魏衛必折而從之索隱曰戰

國策云今蒲入於秦衛必折而於魏與此文相反也魏亡西河之外

正義曰謂同華等而無以取者其弱也今并衛於魏

魏必疆魏疆之日西河之外必危矣且秦王

將觀公之事害秦而利魏王必罪公樗里子

曰奈何胡衍曰公釋蒲勿攻臣試為公入言

之以德衛君樗里子曰善胡衍入蒲謂其守

曰樗里子知蒲之病矣其言曰必拔蒲衍能

不許複製

NOT TO BE REPRODUCED

東京大学東洋文化研究所

令釋蒲勿攻蒲守恐因拜曰願以請因効

金三百斤曰秦兵苟退請必言子於衛君使

子為南面故胡衍受金於蒲以自貴於衛於

是遂解蒲而去還擊皮氏正義曰故城在絳州龍門縣西百四

十步皮氏未降又去昭王七年樗里子卒葬

于渭南章臺之東索隱曰按黃圖在漢長安故城西曰後百

歲是當有天子之宮夾我墓樗里子疾室在

於昭王廟西渭南陰鄉樗里故俗謂之樗里

子至漢興長樂宮在其東未央宮在其西正義

曰漢長樂宮在長安縣西北十五里未央宮在縣西北十四里皆在長安故城中也武

庫正直其墓索隱曰直如字讀直猶當也秦人諺曰力則

任鄙智則樗里

甘茂者下蔡人也索隱曰地理志下蔡縣屬汝南也○正義曰今潁州

縣即州事下蔡史舉先生索隱曰戰國策及韓子皆云史舉上

蔡監門者學百家之說因張儀樗里子而求見秦

惠王王見而說之使將而佐魏章略定漢中

地惠王卒武王立張儀魏章去東之魏蜀侯

輝相壯反索隱曰輝音暉又音胡昆反秦之公子封蜀也華陽國志作暉壯音

側狀反秦使甘茂定蜀遂而以甘茂為左丞

相以樗里子為右丞相秦武王三年謂甘茂

曰寡人欲容車通三川以窺周室而寡人死

不朽矣甘茂曰請之魏約以伐韓而令向壽

輔行正義曰餉受二音人姓名甘茂至謂向壽曰子歸言

之於王曰魏聽臣矣然願王勿伐事成盡以

為子功向壽歸以告王王迎甘茂於息壤索隱

日山海經啓筮云昔伯鯨竊帝之息壤以堙洪水或是此也○正義曰秦邑甘茂

至王問其故對曰宜陽六縣也上黨南陽積

之久矣索隱曰上黨南陽並積貯日久○正義曰韓之北三郡積貯在河南宜陽

縣之日名曰縣其實郡也今王倍數險行正義

曰謂函谷及三嶠五谷千里攻之難索隱曰數音率更反昔曾參

之處費音魯人有與曾參同姓名者殺人人

告其母曰曾參殺人其母織自若也頃之一

人又告之曰曾參殺人其母尚織自若也頃
又一人告之曰曾參殺人其母投杼下機踰
牆而走夫以曾參之賢與其母信之也三人
疑之其母懼焉今臣之賢不若曾參王之信
臣又不如曾參之母信曾參也疑臣者非特
三人臣恐大王之投杼也始張儀西并巴蜀
之地北開西河之外南取上庸天下不以多
張子而以賢先王魏文侯令樂羊將而攻中

山三年而拔之樂羊返而論功文侯示之謗

書一篋樂羊再拜稽首曰此非臣之功也主
君之力也今臣羈旅之臣也擣里子公孫奭

索隱曰戰國策作公孫衍○正義音釋二人者挾韓而議之王

必聽之是王欺魏王而臣受公仲侈徐廣曰一作馮

之怨也王曰寡人不聽也請與子盟率使丞

相甘茂將兵伐宜陽五月而不拔擣里子公

孫奭果爭之武王召甘茂欲罷兵甘茂曰息

壤在彼正義曰甘茂歸至息壤與秦王盟恐後擄里子公孫奭伐韓今二子果爭

之武王召茂發罷兵故甘茂云息壤在彼邑也王曰有之因大悉起

兵使甘茂擊之斬首六萬遂拔宜陽韓襄王

使公仲侈入謝與秦平武王竟至周而率於

周其弟立為昭王索隱曰趙系家昭王名稷系本云名側王母

宣太后楚女也楚懷王怨前秦敗楚於丹陽

而韓不救乃以兵圍韓雍氏索隱曰秦惠王二十六年韓圍

雍氏至昭王七年又圍雍氏韓求救於秦是再圍也劉氏云此是前圍雍氏當赧王之七

年戰國策及紀年與此並不同○正義曰故城在洛陽縣東北二十里韓使公

仲侈告急於秦秦昭王新立太后楚人不肯

救公仲因甘茂茂為韓言於秦昭王曰公仲

方有得秦救故敢扞楚也今雍氏圍秦師不

下殺公仲且仰首而不朝公叔且以國南合

於楚楚韓為一魏氏不敢不聽然則伐秦之

形成矣不識坐而待伐孰與伐人之利秦王

曰善乃下師於殺以救韓楚兵去秦使向壽

平宜陽而使擣里子甘茂伐魏皮氏向壽者
宣太后外族也而與昭王少相長故任用向
壽如楚徐廣曰如一作和楚聞秦之貴向壽而厚事
向壽向壽為秦守宜陽將以伐韓韓公仲使
蘇代謂向壽曰禽困覆車譬禽獸得困急猶能抵觸願覆人車
公破韓辱公仲公仲收國復事秦自以為必
可以封正義曰公仲自以為必可得秦封今公與楚解口地
索隱曰解口秦地名近韓今將與楚也○正義曰上紀買反公向壽也解口猶開口得言

向壽於秦開口則封小令尹以杜陽索隱曰楚人必得封地也封小令尹以杜陽又封楚
之小令尹以杜陽杜陽秦之地秦楚合復攻
韓韓必亡韓亡公仲且躬率其私徒以闕烏
反於秦正義曰公仲恐韓亡欲將私徒往宜陽闕向壽也願公孰慮
之也向壽曰吾合秦楚非以當韓也子為壽
謁之公仲正義曰子蘇代也向壽恐令蘇代謁報公仲云秦韓交可合曰
秦韓之交可合也蘇代對曰願有謁於公正義
曰公向壽也言向壽亦黨於楚與公孫奭甘茂黨韓魏同也人曰貴其所

以貴者貴王之愛習公也不如公孫奭其智
能公也不如甘茂今一人者皆不得親於秦
事而公獨與王主斷於國者何彼有以失之
也索隱曰彼言公孫奭及甘茂也有以失之謂不見委任情有所失○正義曰言秦王雖愛習公孫奭甘茂秦事不親委者為黨韓魏也今國事獨與向壽主斷者不知壽黨於楚以事秦王公孫奭黨於韓而甘茂黨於魏
故王不信也今秦楚爭疆而公黨於楚是與
公孫奭甘茂同道也公何以異之正義曰蘇氏云向壽

與公孫奭甘茂皆有黨言無異也又一云改異黨楚之意人皆言楚之善

變也而公必亡之是自為責也正義曰楚善

若變改向壽必亡敗是自為責公不如與王謀其變也善韓

以備楚正義曰今秦親韓而備楚之變改則向壽無患矣如此則無

患矣韓氏必先以國從公孫奭而後委國於

甘茂韓公之讎也正義曰韓氏必先委二人故韓向壽之讎也今

公言善韓以備楚是外舉不辟讎也向壽曰

然吾甚欲韓合對曰甘茂許公仲以武遂徐廣

曰秦昭王元
年予韓武遂
反宜陽之民
正義曰武遂宜陽本韓邑也秦伐取

之今欲還韓令其
民得反歸居之
今公徒收之甚難
正義曰蘇代言

甘茂許公仲以武遂
又歸宜陽之
民今向壽徒擬收之
甚難事也
向壽曰然

則奈何武遂終不可得也
對曰公奚不以秦

為韓求潁川於楚
正義曰潁川許州也楚侵韓潁川蘇代令向壽以秦

威重為韓就楚求
此韓之寄地也
公求而得

之是令行於楚而以其地德韓也
公求而不

得是韓楚之怨不解
已買而交走秦也
索隱曰韓

楚怨不解二國
交走向秦也
秦楚爭疆而公徐過楚
徐廣曰適

一作適○正義曰若二國皆事秦公則
漸說楚之過失以收韓此利於秦也
以收

韓此利於秦向壽曰奈何對曰此善事也
甘

茂欲以魏取齊公孫奭欲以韓取齊
今公取

宜陽以為功收楚韓以安之而誅齊魏之罪

正義曰言公孫奭甘茂皆欲以秦挾韓魏而
取齊今向壽取宜陽為功收楚韓安以事秦

而責齊魏之罪是公孫奭甘茂
是以公孫奭

不得同合韓魏於秦以伐齊也
甘茂無事也甘茂竟言秦昭王以武遂復歸

之韓正義曰年表云秦昭王元年予韓武遂也向壽公孫奭爭之

不能得向壽公孫奭由以怨讒甘茂茂懼輟

伐魏蒲阪亡去徐廣曰昭王元年擊魏皮氏未拔去也樗里子

與魏講罷兵索隱曰鄒氏云講讀曰媾媾猶和甘茂之亡秦

奔齊逢蘇代代為齊使於秦甘茂曰臣得罪

於秦懼而逃逃無所容跡臣聞貧人女與富

人女會績貧人女曰我無以買燭而子之燭

先幸有餘子可分我餘先無損子明而得一



斯便焉今臣因而君方便秦而當路矣茂之

妻子在焉願君以餘先振之蘇代許諾遂致

使於秦已因說秦王曰甘茂非常士也其居

於秦累世重矣自散塞及至鬼谷徐廣曰在陽城○正

義曰三轂在洛州永寧縣西北其地形險易皆明知之彼以

齊約韓魏及以圖秦非秦之利也秦王曰然

則奈何蘇代曰王不若重其贄厚其祿以迎

之使彼來則置之鬼谷正義曰劉伯莊云此鬼谷關內雲陽非陽

城者也按陽城谷時
屬韓秦不得言置之終身勿出秦王曰善即

賜之上卿以相印迎之於齊甘茂不往蘇代

謂齊湣王曰夫甘茂賢人也今秦賜之上卿

以相印迎之甘茂德王之賜好為王臣故辭

而不往今王何以禮之齊王曰善即位之上

卿而處之索隱曰惠猶留也秦因復甘茂之家正義曰後

音福以市於齊齊使甘茂於楚楚懷王新與秦

合婚而驩徐廣曰昭王二年時迎婦於楚而秦聞甘茂在楚

使人謂楚王曰願送甘茂於秦楚王問於范

蠃徐廣曰一作螺○索隱曰休緣反又音休軟反戰國策一作螺字○正義曰許緣反

也曰寡人欲置相於秦孰可對曰臣不足以

識之楚王曰寡人欲相甘茂可乎對曰不可

夫史舉下蔡之監門也大不為事君小不為

家室以苟賤不廉聞於世甘茂事之順焉故

惠王之明武王之察張儀之辯而甘茂事之

取十官而無罪茂誠賢者也然不可相於秦

夫秦之有賢相非楚國之利也且王前嘗用

召滑於越徐廣曰滑一作滑而內行章義之難徐廣曰一作

云內句章昧之難○索隱曰召滑內心猜詐外則佯章恩義而卒包藏禍心搆難於楚戰

國策云內句越國亂故楚南塞厲門徐廣曰一作瀨

胡○正義曰劉伯莊云而郡江東正義曰吳越之城皆

為楚之都邑計王之功所以能如此者越國亂而

楚治也今王知用諸越而忘用諸秦臣以王

為鉅過矣然則王若欲羅相於秦則莫若向

置

壽者可夫向壽之於秦王親也少與之同衣

長與之同車以聽事王必相向壽於秦則楚

國之利也於是使使請秦相向壽於秦秦率

相向壽而甘茂竟不得復入秦率於魏甘茂

有孫曰甘羅

甘羅者甘茂孫也茂既死後甘羅年十二事

秦相文信侯呂不韋索隱曰戰國策甘羅事呂不韋為庶子秦

始皇帝使剛成君蔡澤於燕三年而燕王喜

使太子丹入質於秦，秦使張唐往相燕，欲與燕共伐趙，以廣河間之地。張唐謂文信侯曰：「臣嘗為秦昭王伐趙，趙怨臣，曰：『得唐者與百里之地。』今之燕，必經趙，臣不可以行。」文信侯不快，未有以彊也。甘羅曰：「君侯何不快之甚也？」文信侯曰：「吾今剛成君蔡澤事燕，三年燕太子丹已入質矣，吾自請張卿相燕，而不肯行。」索隱曰：即張唐也。卿，字也。甘羅曰：「臣請行之。」文信侯叱

曰：「去！我身自請之，而不肯汝，焉能行之？」正義曰：女

音汝焉甘羅曰：「夫項橐生七歲為孔子師，索隱

曰橐音託，尊其道德，故云項橐。今臣生十二歲於茲矣，君其

試臣，何遽叱乎？」於是甘羅見張卿，曰：「卿之功

孰與武安君？」卿曰：「武安君南挫疆楚，北威燕

趙，戰勝攻取，破城墮邑，不知其數。臣之功不

如也。」甘羅曰：「應侯之用於秦也，孰與文信侯

專？」索隱曰：應侯范雎也。張卿曰：「應侯不如文信侯專。」甘

羅曰：「臣死且不避，請君聽臣。」

羅曰卿明知其不如文信侯專與曰知之甘
羅曰應侯欲攻趙武安君難之去咸陽七里
而立死於杜郵今文信侯自請卿相燕而不
肯行臣不知卿所死處矣張唐曰請因孺子
行令裝治行行有日甘羅謂文信侯曰借臣
車五乘請為張唐先報趙文信侯乃入言之
於始皇曰昔甘茂之孫甘羅年少耳然名家
之子孫諸侯皆聞之今者張唐欲稱疾不肯

行甘羅說而行之今願先報趙請許遣之始
皇召見使甘羅於趙趙襄王郊迎甘羅甘羅
說趙王曰王聞燕太子丹入質秦歟曰聞之
曰聞張唐相燕歟曰聞之燕太子丹入秦者
燕不欺秦也張唐相燕者秦不欺燕也燕秦
不相欺者伐趙危矣燕秦不相欺無異故欲
攻趙而廣河間王不如齎臣五城以廣河間
索隱曰齎音側奚反一音質並謂割五城與臣也請歸燕太子與彊

趙攻弱燕趙王立自割五城以廣河間秦歸
燕太子趙攻燕得上谷三十城索隱曰戰國
策云得三十
六縣○正義曰上谷今
鴻州也在幽州西北令秦有十一索隱曰
謂以十
一城予甘羅還報秦乃封甘羅以為上卿復
秦也
以始甘茂田宅賜之

太史公曰擣里子以骨肉重固其理而秦人
稱其智故頗采焉甘茂起下蔡閭閻顯名諸
侯重疆齊楚徐廣曰恐或疑此當云見重強
齊誤脫一字○正義曰甘茂為

強齊楚甘羅年少然出一奇計聲稱後世雖

非篤行之君子然亦戰國之策士也方秦之
彊時天下尤趨謀詐哉

索隱述贊曰

嚴君名疾 厥彌智囊 既親且重

稱兵外攘 甘茂並相 初佐魏章

始推向霽 乃攻宜陽 甘羅妙歲

卒起張唐

樗里子甘茂列傳第十一 史記七十一

穰侯列傳第十二

史記七十二

穰侯魏冉者秦昭王母宣太后弟也索隱曰宣太后

之異父長弟也姓魏名冉封之穰括地志穰縣在南陽宣太后者惠王之妃姓芊氏曰芊

也其先楚人姓芊氏正義曰芊亡爾反秦武王卒

無子立其弟為昭王昭王母故號為芊八子

及昭王即位芊八子號為宣太后宣太后非

武王母武王母號曰惠文后先武王死索隱曰秦

本紀云昭王二年庶長壯與大臣公子為逆皆誅及惠文后皆不得良死又按紀年云秦